

Frohe Weihnacht leev Mamm

Musik & Text Björn Heuser / Verlag: Pavement

C G/H Am
De Luff he drusse es kalt, et nieselt un friert,
C G/H F
d'r Wind es scharf wie e Metz.
C G/H Am
Ich ben dick verpack en ner jraue Deck,
C G/H F
met ner Fläsch Schabau, dä es jot för et Hätz.
G F
Veezehn Johr lang ben ich he schon ze Huss,
G F
em eetze Boge unger d'r Hohenzollernbröck.
G F
Och wenn't anders ussüht, ich han alles wat ich bruch
C/E Gsus4 G
en mingem Enkaufswage, op zwei Quadratmeter Jlöck.

C F G C C/H
Frohe Weihnacht, leev Mamm, frohe Weihnacht, leeve Papp,
Am Dm
frohe Weihnacht, wat wör dat schön,
G C G
ens widder janz noh bei üch ze sinn.
C F G C C/H
Frohe Weihnacht, leeve Papp, frohe Weihnacht, leev Mamm,
Am Dm
frohe Weihnacht, wie lang es dat her?
G C
Sulang, dat ich mich kaum erinnere kann.

De Lück sin hück jet fründlicher als söns,
doch se hetze an mir vorbei, wat dun die mir leid.
De Jlocke vum Dom, ich hür se su jän,
noch ne Schluck Schabau, wie jot dat deiht...

En kleine Käaz han ich mir selvs ahnjemaat,
die Flamm danz tapfer em Wind.
Un et hölt mich widder en, su wie jedes Johr,
dat Jeföhl wie et wor - als Kind.